





~~1618~~ 46
L E
RETABLISSE-
ment de l'Estat.




EN FRANCE,
Chez le bon François, à l'Enseigne
de l'Escharpe blanche.

M. DC. XVIII.

Case
F
39
.326

16/8mo

THE NEWBERRY
LIBRARY



AV ROY.

SIRE,

TOVT ainsi que les Poëtes, qui ont esté tenus par les Anciens comme Prophetes, en leurs fables Mythologiques racontent: que les Dieux n'admettoient iamais la Fortune en leurs conseils, par ce qu'ils deliberoient de toutes choses avec prudence & circonspection, sans vouloir rien donner au sort, ny au hasard : De mesme il semble que vostre Maiesté qui est l'image viuante du vray Dieu, n'ait voulu pas apporter moins de soing & de

sageſſe en la conduicte de ſes affaires, C'eſt pourquoy il luy a pleu l'annee derniere, conuoquer de toutes les Prouinces du Royaume vn bon nombre de ſes plus notables ſeruiteurs, afin que ſecondans les fidelles & genereux Conſeils des graues perſonnages, qui reſident d'ordinaire aupres d'elle, les reſolutions qu'on prendroit pour le ſalut de l'Eſtat, pour la gloire & ſplendeur de voſtre couronne fuſſent tant plus ſolēnelles & authentiques. C'eſt auſſi le propre des Roys qui regnent, non comme vn Caligule, mais cōme vn Salomon de vouloir ſe cōmuniquer à leurs ſubiects, ainſi que faiēt le pere à ſes enfans, par ce que le commandement eſt ai iuſte de la part du Prince, l'obeiſſance en eſt tant plus prompte & volōtaire du coſtē des

peuples. Aussi à ce esté sur ceste celebre Assemblée que nous auons ietté les yeux, comme sur les Dieux tutelaires de la Patrie, & desquels soubz vos heureux auspices, nous attendons toute nostre felicité: Mais ne plus ne moins que le sage Medecin auant que d'ordonner des remedes, s'enquiert curieusement de la cause de l'indispositiō du malade, & considere quel est son tēperament: Ainsi au prealable que de consulter du moyen de releuer vn Estat panchāt, lequel on veut garantir de sa ruine, il n'y à point de mal de mediter quelle a esté sa vigueur par le passé, & quelle est à present sa debilité, afin de le restaurer & luy redonner ses premieres forces.

Pourtant, à l'imitation des Geographes, qui par vn seul poinct marquent de grandes Regiōs dans

la carte, ie presenteray à vostre
 Maiesté, comme avec vn simple
 crayon, quel a esté le cours des af-
 faires du Royaume durant sept ou
 huiet anneés. Elle considerera d'óc,
 s'il luy plaist, que lors que nous
 perdismes le plus valeúreux Roy
 du mōde HENRY LE GRAND,
 VOSTRE PERE (d'immortelle
 memoire) nous vismes comme en-
 seuelir en mesme tombeau tout le
 bon-heur de la France, ainsi que les
 Thebains disoient auoir perdu la
 gloire de leur Republique en la
 mort d'Epaminondas: Mais nostre
 infortune eust esté encore plus
 grande, si en ceste calamité publi-
 que, la Royne, vostre tres hono-
 rec Dame & Mere, n'eust pris les
 rénes de ceste Monarchie, & qu'ac-
 ceptant la Regence du Royaume
 en vostre minorité, elle n'eust rele-

uè nos courages abbatus & eston-
nés d'un si funeste accident. Le pre-
mier loing donc qu'eut ceste sage
Princesse au plus fort de sa douleur
& lors que ses yeux fondoient tous
en larmes, ce fut de rendre les der-
niers honneurs deus à vn si grand
Monarque, n'espargnant aucune
chose pour la pompe & somptuo-
sité de ses funeraillles, toute l'Eglise
rompant le Ciel de vœus & de
prieres pour le salut ne son ame.
Ce deuoir ainsi religieusement ac-
comply, & ne voulant par mode-
stie donner à son seul sens la con-
duicte des affaires de l'Estat, elle se
resigna comme entre les bras du
conseil, & de la prudence des mes-
mes ministres dont ce grand Roy
s'estoit tousiours vtillement seruy.
Si bien que suivant ses derniers
desseins, elle employa genereuse-

*secours de
Juliers.*

ment au secours des Princes vos
Alliez, les armes qu'on auoit leuees
à cet effet. Et quant au dedans du
Royaume elle tascha d'abord, &
pour chef-d'œuvre de contenir vn
chacun en deuoir, y obligeant tous
les Grands & la Noblesse particuli-
eremēt, tant d'une que d'autre Reli-
gion, par des surcrois & augmēta-
tions de biēs-faiēts, plusieurs mes-
mes receuans de sa main liberale le
fruiēt de leurs longues esperances.
D'autre part le soulagemēt du pau-
vre peuple luy fut si recommandé
qu'elle le deschargea d'une somme
notable, & pour le payement des
tailles, & pour l'impōst du sel, avec
suppression de tous les aduis dōnés
à la foule du public. Et semblable à
la colombe sans fiel & sans rancu-
ne elle fist du bien à telles person-
nes qu'elles eust peu desdaigner si
elle

elle l'eust voulu. Ce fut mesme lors qu'elle recueillit gracieusement vn Prince de vostre sang, le comblant de toutes sortes de gratifications, apres son retour des pays estranges où il se retira durant sa volontaire disgrâce. Tout en fin fut si sagement conduict par la prudence incomparable de ceste grande Princesse que nostre crainte fut conuertie en assurance, l'apprehension d'un mal à aduenir, estant plus grande que le coup qu'on en receut. Non contente d'une si profonde paix par tout le Royaume, elle s'entre tint touiours en bonne vnion, & correspondance avec tous les Princes vos voisins, meditant dès-lors l'estroicte alliance de ces deux illustres couronnes de France & d'Espagne, afin que par le proiect de deux mariages tant desirez des

gens de bien, l'Estat n'ayant rien à redouter au dedans, ny au dehors la tranquillité publique en fust tant mieux affermie. Ainsi ses louables deportemēs luy faisoient iustement meriter le tiltre auguste de MERE DE LA PATRIE, comme elle s'honore de la glorieuse qualité de MERE DE VOSTRE MAIESTE. Ce calme ce bon-heur dura à la France les années six cens dix, vnze douze & treize: Mais en l'année suivante, comme si l'esprit de diuision cust esté jaloux & enuieux de nostre longue prosperité, & comme si les hommes estoient aussi impatiens à jouir de leur repos qu'ils se donnent d'inquietude à souffrir du mal, cet esprit de diuision dy-je, ietta la pomme de discorde entre vos subiects, quelques vns empruntans tels pretextes que bon leur

sembra, pour en murmurant rendre odieuse l'administration des affaires, tant en la personne de celle qui en auoit le legitime gouuernement qu'à l'endroit des Ministres qui la seruoient avec toute sorte de sincerité. Ce fut lors que ceste genereuse Princesse fist tout ce qui luy fut possible pour coniurer la tempeste qu'elle voyoit s'esleuer, & preferant la douceur de sa clemence à toutes les rigueurs d'une iuste végeance qu'elle pouuoit prendre de deux Prouinces rauagées, elle r'appella ces Messieurs par des moyens gracieux & fauorables, ayment mieux faire largesse de l'argent, & des charges du Royaume pour leur contentement, que d'espandre la moindre goutte de leur sang. Ce brazier esteint, on ne se prist garde que les estincelles en

*Traicté de
S. Menchou
en l'An-
née 1614.*

*Voyage de
Poitiers &
Bretaigne.*

parurent encores du costé de Poitou, & de la Bretaigne, où ceste Princesse assistée de vos fideses seruiteurs, fist voir la face de vostre Maiesté, laquelle comme vn Soleil leuant, dissipa soudain ces nuages, tout s'y conuertissant en amour, & en obeissance. De sorte que retournant en triomphe dans vostre ville capitale, les Estats generaux louans & admirans puis apres en toutes ses parties la conduicte d'une si heureuse Regence qui auoit ainsi conserué la blancheur de noz lys, supplierent tres-humblement vostre Maiesté, (laquelle les loix du Royaume declaroient lors Maieur) d'auoir pour agreable, que comme le plus sage Roy qui à iamais esté au monde fist dresser vn Trone à sa Mere au pres du sien, qu'ainsi ceste sage Princesse continuast de vous

assister, afin que fortifié de ses Con-
seils, il y eust tousiours plus de di-
gnité & d'autorité au manienent
des affaires publiques, ou elle auoit
acquis tant d'hōneur & de reputa-
tion.

Quelques mois apres & le temps
de l'accomplissement des Alliances
s'approchant, vostre Maiesté se
porta sur la frontiere, ou donnant
à l'Espagne vn gage precieux de
vostre affection, vous en receustes
en eschange vn de si hault pris, que
la France, voire toute la Chrestien-
té, à suiet de s'en esioiur: Mais il y
eut durant cest esloignement quel-
ques vns de vos subiets, qui par de
nouveaux mouuements trouble-
rent la feste de ces glorieuses Alli-
ances. Tels y eut lors, qui oublians
ce qu'ils doiuent à leur Souuerain,
fauoriserent ce souleuement par

*Voyage de
Bordeaux
en l'année
1615.*

*Assemblée
de Nismes*

*Traicté de
Londun.*

declaration publique. Toutesfois la Royne vostre bonne Mere, ne se pouuant lasser de leur faire du bien, & de les traiter gracieusement, n'espargna de rechef chose quelcōque pour nous acheter la paix, la dépense de ceste guerre là, outre la ruine des peuples, montant à plus de seize millions, tant pour les frais des armées du Royaume, que pour faire retirer les Estrangers qu'ils auoient appellez à leur secours, la violence desquels fut si débordée, qu'il estoit bien plus facile de leur commander vne meschanceté, que de les empescher de la commettre. Chacun neâtmoins benissoit Dieu de veoir la France en estat de respirer quelque repos à l'aduenir: Mais tout ainsi que les corps qui sortent d'une longue maladie, ont peine de se rauoir: De mesme ce pauvre

Royaume se vit encore à la veille
 d'une fascheuse recheute. Ce qui
 obligea vostre Maiesté par le sage
 Conseil de la Royne sa Mere d'al-
 ler au deuant d'un mal naissant, &
 d'empescher qu'un des Princes de
 vostre sang ne prelast plus l'oreille
 à la seduction du mauuais Ange,
 qui iusqu'alors l'auoit toujours
 porté à tant de diuers mouuemens
 (vostre Maiesté & son conseil n'i-
 gnorant pas toutesfois le temps de
 luy redonner sa liberté lors qu'il
 en sçaura mieux vser.) l'estime aus-
 si que semblable à ce bon Empe-
 reur, il ne desire pas mesmement
 que nous priõs Dieu pour sa prof-
 perité, sinon qu'entant qu'elle sera
 vtile à la Republique. Ce remede
 ainsi appliqué n'estancha pas telle-
 ment la playe, qu'il n'arriuaist enco-
 res quelques mouuemens, qui obli-

En l'année
 1616.

*plainte de
ceux de la
Rochelle.*

En l'annee

1617.

gerent l'Estat de mettre des armées en campagne pour venger l'iniure que le pauvre peuple souffroit dās ces vacarmes. Nous vīsmes lors, ce que peuent les forces du Royaume bien commandées, & mises en bonne main, tant elles se rendirent formidables de toutes pars: tant cōtre les iniustes armes des mal cōtens & ligeurs, que contre les Christodins, Puritains, & Zelotes, Pretendus reformez, de la Sinagogue des Juifs, & du costé qu'on les croyoit estre cōme inuincibles, furent tellement relancés par vn genereux Defenseur de la foy, qu'il à faict veoir qu'on les peut refrener tout autant de fois qu'ils se porteront à la desobeissance. Sur ces confusions vostre Maiesté eut aduis que deux personnes estrangeres, qui estans comblées en France de toute sorte de

de biens & d'honneurs, s'estoient tellement aveuglées en leur ambition, qu'abusant du pouuoir & de l'autorité qu'elles auoient en ce Royaume, s'estoient rendues tellement odieuses, qu'on les estimoit estre la seule cause de toutes nos calamitez. Aquoy vostre Maiesté, comme vn Hercule vengeur sçeut genereusement remedier, ces deux creatures ainsi enyurées de leur fortune, estant vn eternal exemple à tous Fautorits des Roys, pour leur apprendre de se comporter avec telle modestie qu'ils n'encourent iamais les tristes euenemens d'une haine publique. Car naturellement (dit Tacite) les hommes voient de mauvais œil l'auancement de ceux qui ont esté leurs esgaulx, s'ils ne tiennent regle & mesure en leur prosperité.

Après la cheute de ces Phaëtons, après leurs cendres espanduës, vos-

tre Maieſté à recueilly fauorable-
ment tous ſes ſubieſts proſternez à
ſes pieds, comme à des Autels de
refuge, & montant ſur ſon Trone,
elle à voulu mettre le ſceptre en ſa
ſeule main, pour regir ſes peuples
à l'aduenir, Non que toute la Frãce
ne recognoiſſe que ceſte grande
Princeſſe voſtre tres-honoree Da-
me & Mere, n'a ſeulement manqué
que par exez de bonté, en departãt
ſes biens faiſts à des perſonnes ſi
peu capables de meſnager leur bon
heur, & non par aucune mauuaiſe
affection qu'elle ait iamais eüe en-
uers ceſt Eſtat, pour le ſalut duquel
elle à ſouffert tant de veilles tant de
trauaux, tant de chaleurs, tant de
froidures, tant d'ennuis, tant de
ſoucis, tant de faſcheries, tant d'im-
portunitez, tant de malueillances,
tant de haynes, tant de medifances,

tât de calōnies & d'impostures, n'ayant iamais plaint ce qu'elle à peu faire pour le contentement de tous les bons François qui ont recouru à sa faueur, encores que quelques vns ne l'ayent pas recogneu comme ils deuoient. Elle n'a mesme iamais reputé pour ses ennemis, que ceux qu'elle croyoit, ou qu'on luy persuadoit n'auoir pas les intentions droictes & bien portees a la paix du Royaume. Il y a aussi plusieurs gens de bien, SIRE, qui l'ont fidellement assistée, ayans tousiours fait vostre seruice sous ses commandés, Tels mesmes y a-il, qui ayās eu de l'accez aupres de ces Estrangers n'ont iamais pēsé de faire chose indigne de bons seruiteurs sur l'ignorance qu'ils auoient des derniers desseins dont on les à chargez, & pour lesquels nous voyons au-

iourd'huy leur memoire condānée
 Surquoy ceux qui les ont seruis
 & suivis pourroient faire la mes-
 me excuse que fist iadis vn Gentil-
 homme Romain, apres la fin tragi-
 que de Sejanus, l'un des plus grands
 fauorirs de l'Empereur Tybere.

Il ne nous appartient point (*disoit il*) d'estre
 si curieux que de vouloir iuger du merite de
 ceux que vous esleuez par dessus les autres,
 n'y de rechercher les raisons pourquoy vous
 les faictes. Les Dieux vous ont donné comme
 au souverain Arbitre de la terre la puissance
 de commander, & nous ont reserué la gloire
 de vous obeyr. Nous nous arrestons seule-
 ment à considerer ce qui est deuant nos yeux,
 comme sont les grandes fortunes de ceux
 que vous comblez de richesses, que vous
 auancez aux honneurs, & que vous faictes si
 puissans qu'ils agrandissent ou ruinent tous
 ceux qu'il leur plaist. Lesquelles qualitez ont
 esté si eminentes en Sejanus, que personne
 ne le peut nier. Quant aux pensées & resolu-
 tions secretes des Princes, outre qu'il n'est
 point permis de les sonder, il est mesme pe-
 rilleux. D'auantage ce n'est pas chose dont
 on puisse estre aisement esclaircy. Ne vous
 ressouuenez point du iour que Sejanus à

esté tué, mais de seize ans entiers, durant lesquels nous auons fait la court à Satrius & Pomponius, & qu'on tenoit à grande faueur d'estre cogneu de ses affranchis, & de ses portiers. Quoy donc fera t'on point de difference entre nostre iustification & le crime de ceux qui ont trempé en ses attentats? Certes nostre desfence ne doit auoir rien de commun avec la leur. Que l'on punisse les conspirations qui ont esté faictes contre l'Estat & contre la personne du Prince: Mais (ò Cesar) quant à l'amitié, & à l'honneur que nous luy auons porté, vous & nous semblablement en deuons estre absous par vn mesme arrest.

On voit par là comme les Courtisans suiuent volontiers la faueur, sur tout quand le Prince ne voit plus ses affaires, ny ses seruiteurs que par les yeux des Fauoris, le mesme Autheur qui rapporte ceste histoire, remarquant encores que le Senat fist eriger vn Autel à la Clemence, & vn autre à l'Amitié, y mettant dessus les images de l'Empereur, & celles de Scianus aupres, ce qui augmenta (*dit il*) son arro-

gance, voyant des gens ainsi publiquement abandonnez à vne abiecte & honteuse seruitude. Qui eust donc pensé faillir en approchant des personnes que les plus grands du Royaume recherchoient, nul n'ayant esté leur ennemy qui n'ayt faict au prealable profession d'amitié avec elles?

L'estat des affaires ainsi depeinct sans déguisement, vostre Maiesté peut veoir que la France à eu deux faces depuis le lamétable decez du GRAND HENRY vostre Pere, la premiere à esté veritablemēt heureuse & florissāte, tant que vos subiets se sont maintenus en paix & en obeissāce. Car il y auoit lors du bien pour tous, la Royne vostre Mere grādement bonne, pouuant gratifier vn chacun sans retranchement quelconque de ses liberalitez accoustumées. L'autre face à esté rude, triste & espineuse, par ce que

vos deniers saisis, vos receptes es-
 puisées, l'espargne du feu Roy s'es-
 tant tarie en despences extraordi-
 naires, que l'Estat à esté contrainct
 de supporter: & vos peuples rui-
 nez par tant de miseres qu'on leur à
 fait souffrir, il à esté force que ceste
 main liberale se soit restreinte en ces
 dernieres années, ou le mal à esté si
 violent, qu'il à surmonté les reme-
 des: Non que ce que i'en represente
 à vostre Maiesté soit par forme
 d'Apologie en faueur de la Royne
 vostre tres honoree Dame & Mere,
 laquelle n'en à nullement besoing,
 Car cōme Princeesse grandement pi-
 euse, elle peut dire avec l'Apostre:
 Magloire, est le tesmoignage que me rend
 ma conscience, d'auoir cheminé au monde
 en simplicité de cœur, & sincerité selon Dieu.
 Elle peut dire encores comme ce
 Prince Romain, qu'elle ne craint
 point la mal-veillance des hommes pourueu
 qu'elle ait seruy à l'Estat, & que la memoire

de ses actions sera le vray Temple de nos cœurs, & les eternels monumēts de sa vertu.

Elle n'a donc point besoing d'autre Apologie, non plus qu'il n'est necessaire de vous conjurer par ses entrailles de luy rendre l'amour & la reuerence que vous luy deuez, tant elle a de sujet de se louer de vostre amitié, & du gracieux traitement qu'elle reçoit de vostre Majesté, laquelle aussi continuant en ce deuoir, attirera sur son Chef la benediction du Ciel, & la louange des hommes, l'exemple d'un grand Roy estant si considerable qu'a vostre imitation, il n'y a mere dans le Royaume, qu'il ne soit chérie & honoree de ses enfans. Ceux (*dit Xenophon*) qui oublient les bons offices de leurs Parents, à peine recognoissent ils iamais en autrui le seruice qu'on leur rend.

Or puisque la cause de nos malheurs est cessée en ces deux victi-
mes

mes d'expiation, & que toutes nos
 discordes ciuilles sont noyees &
 esteintes dans leur sang, nous
 auons suiet d'esperer, SIRE, que
 nous verons sous la douceur de
 vostre Empire toutes choses telle-
 ment restablies, que comme vn
 Historien disoit, que l'ordre de la
 discipline politique auoit comme
 son Temple dans Athenes: Ainsi
 nous verrons la France ne ceder en
 splendeur à Monarchie qui soit au
 monde. Et parce, que ce seroit
 vouloir esclairer le Soleil avec vn
 flambeau, que d'oser dire son ad-
 uis de ce qui est necessaire à la res-
 tauracion de ce Royaume, vne si
 celebre Compagnie, ayant esté
 l'annee derniere aupres de vostre
 Maiesté, il me suffira de luy auoir
 representé l'Estat du malade, &
 d'auoir montré comme par ses

propres exez, il est descheu de sa premiere vigueur. Ce à donc esté à ces Messieurs vrayz zelateurs du bien public, de luy appliquer les remedes qu'ils ont iugé luy estre les plus salutaires. Ce sera par la respectueuse liberté de leurs Conseils qu'ils seconderont les bonnes intentions de vostre Maiesté pour faire fleurir en France autant que jamais la Religion & la Iustice. Ces deux Vierges seront assises chacune sur leur Tribunal, se tenâs par la main & se baisant en perpetuelle concorde, sans que le Prince des tenebres ny ses supposts, sous quelque pretexte que se soit apporté jamais aucune diuision entre la iurisdiction spirituelle, du chef de l'Eglise & l'autorité temporelle des Roys. Vous donnerez à la Religion de bons Pasteurs, qui edifi-

ront vos peuples, & par l'exemple de leur vie, & par l'eminence de leur sçauoir. La Iustice aussi par laquelle seule les Roys regnent vraiment absolus, aura des Ministres incorruptibles, sur lesquels la passion, l'amour, la hayne l'argent ny l'auarice n'auront nulle puissance pour enuelopper l'innocent avec le coupable. La rigueur de la Loy sera temperée par vostre clemence, le repentir & les larmes du criminel estant quelquefois acceptees pour supplice & chastimẽt de son delict. Ce sera par les mesmes aduis de ces dignes Personnaiges que vous rendrez aux Lettres leur ancien lustre, afin que cherissant les Muses, vostre regne ne soit pas vn regne Gothique, ou l'on ne face distinction entre le sçauoir & l'ignorance. Vous redonnerez auf-

si son premier honneur, à la discipline militaire, afin que vostre bras puissamment armé proteges les bons, les pacifiques, & soit la terreur des perturbateurs du repos public. Et parce que récompenser la vertu, est proprement la semer au monde, & induire vn chacun à la suiure plustost que la Fortune, ce sera par le bon aduis de ces Aristides, que vous apporterez tant d'ordre & de mesnage en vos Finances, qu'elles suffiront, & pour en faire du bien à ceux qui le meritent, & pour en espargner, de peur qu'estant quelquefois obligé à des despences extraordinaires vous ne soyez contrainct de surcharger vos peuples de nouveaux impôts. Bref, S I R E, comme on disoit que l'empereur Vitellius n'auoit point de plus grand ennemy que son

ventre: Ainsi toute sorte de luxe
 estant dommageable à vn Estat,
 vous ordonnerez des Loix sum-
 ptuaires, qui feront viure vos sub-
 iects en toute frugalité. Et encores
 qu'il soit beaucoup plus facile de
 louer la forme d'un Estat parfaicte-
 ment estably que d'en rencôrrer vn
 tel: Si est-ce que consultant ces
 Oracles sur toutes vos affaires, &
 n'embrassant que le conseil des
 plus sages, vous ferez de ce Royau-
 me, non vne Republique de Platon
 où tout ne consistoit qu'en idées:
 mais ce sera vn corps animé, qui
 agira par ses ressorts, & ou toutes
 choses s'observeront inuiolable-
 ment comme elles auront esté reso-
 lües sous vostre autorité, afin que
 nous ne soyons semblables à ces
 Grecs Atheniens, qui scauoient le
 bien, & ne le faisoient pas. Telle-

ment qu'en ceste felicité & restauration d'Estat, nous pourons dire de vostre Maiesté, ce que les Macedoniens disoient à la louange d'Alexandre, apres la mort de Philippes, que la personne du Pere estoit seulement changée & non sa vertu.

Laquelle nous auons veu reluire en vostre Maiesté quasi des vostre naissance, comme l'ay ant apportee des le ventre de vostre, incomparablemēt bonne Mere, Et non cōrant de toutes lesdites vertus paternelles, vous vous estes aussi de vous mesmes orné & paré de toutes celles qui ont signalé vos predecesseurs (les tiltres & furnoms desquels ils ont esté couronnés apres leurs decez se rencontrāt en vous) Car vous estes, S I R E, tout grand comme Charlemagne, tout debonnaire comme son fils, vous estes

tout Auguste, tout Conquerant, &
 de plus vous estes DIEV DON-
 NE, vous estes Bel, vous estes Sage,
 vous estes Victorieux, en fin vous
 estes le Pere du peuple, & en vostre
 bas aage vous vous estes desia ac-
 quis le nom de I V S T E E T D E
 P I E V X, il ne restera plus, qu'a-
 pres vostre decedz vous meritez le
 nom duquel l'Eglise baptise & bea-
 tifie les bien-heureux vous met-
 tant à la Kyrielle & au nombre des
 Saints, afin que la France se puisse
 deuotieusement & religieusement
 vanter, apres auoir eu deux de ses
 Rois S. le grád Roy Charlemagne,
 & le iuste & pieux S. Louys, qu'il y
 a vnetroisiéme couronne que Dieu
 vous garde, afin que puissies digne-
 ment meriter le saint nom de S.
 L O V Y S - M A I G N E, laquelle
 Couronne vous est asseurement

promise de la part du grand, Dieu
 en portant à l'imitation de ses deux
 Rois saincts, vos predecesseurs,
 vos patrons & protecteurs, vos ar-
 mes, outre mer & en la terre Saincte
 contre les infidelles & barbares, &
 nommemēt contre celuy qui blas-
 phemant contre la Maieſté Diuine
 & Humaine, vsurpe le tiltre de
 grand Seigneur, au meſpris de
 Dieu des Roys & Princes Chre-
 ſtiens, l'honneur deſquels il foule
 aux pieds avec cruels & barbares
 traictement qu'il leur faiet en la
 perſonne ſacrée de leurs Ambaſſa-
 deurs.

FIN.



